



NICARAGUA

ISTIRA DIARA KUM WAN TAKIBA BARA LAHLAKA KABIA BA (FISE)

WARTAKANKA NANI DIARA PASKIWAYA BARA YULA
KAHBI KIRA AIKUKI KLAUNA TASBAYA YAHBRA TANIRA.

RIDI TAKANKA INDIAN BARA KRIOL KIAMKA TAWANKA NANI DUKIARA (PPIA)
DAUKRA

Daukan kabiaba lika 4.1

Yua: Wiskâti 2015.

RIDI TAKANKA INDIAN BARA KRIOL KIAMKA TAWANKA NANI DUKIARA (PPIA)

Tawanka nina: DAUKRA

Warka daukanka nina: Yukuwaia watla

Tawan warka daukaia ba nina: Eva Feliciano Wilson / Máximo Chow

Tawan ka uplika nina: Wihta: Rosales McKinley, Johnny, Diego Nink a.

Tawan tâ uplika nina: Sindica indica: Elvira Thomas Wark sâtka nani wahbi sakan ba:

1) Tawan watla kum pasbia, yukuwaia watla baku

2) Advintista priaska watla makbia, yukuwaia watla baku

Tawan utla bribia wark daukanka wal

(proyecto):420

Natka sat nanira paskan kaia ba: Tawan uplika watla nani makbia, wan kaina kahbaia watla sin makbia (prias watla)

famali diara brin nani ba numbika: 185

Upla sut bara: 1,296

NAHKI TAWAN UPLIKA NANI LAHLA PLIKI SAKISA

Daukra tawanka ba kâbu lalmara ra bara sa, ai iwanka natka kat yulh miski wina lalah sakisa. Pamali aiska ba kâbu lalma wina inska warkka wina, buni alki bara liwa alkisa, baku sin busu (buseo) warka nani sin daukisa, Maras, wiplin bara Daymonds – Spat Miskitu kî tnayara ai warkka nani daukisa, baha pliska nanira inska atkaia watla nani brisa, baha uplika nani ailal ba sin, inska warkka sâtka nani kâbu unra daukisa, baku sin lakun nanira sin miskisa, lakunka nina nani ba sim tawanka nina brisa.

Inska alki ba, tawan bilara, markitra, Bilwi tawankara baku sin Inska atki kampanka nani Bilwi tasbayara bara nani ba atki banghwisa, aima ailal ra bunu nani ba Miskitu kî ra atkaia pliska nani bara bara atki banghwisa, baha tanka sika mamiskra uplika nani ba, ai lalhka ba ai bapi Bilwi kat brihwaia apia, baku sin ai bunu kaba sin aisauhka lulkaia apia dukiara baha kat atkisa.

Tawan uplika ba maura pali ba, tasba warkka nani daukisa ai watla bila kat pih rayakaia dukiara, marin, waitna nani ba plun mâ nani mangkisa rais (arroz) tâma nani (plas) baku sin tâma tasba wina saki ba (yauhra). Baha tasbaia piska bara diara wala nani lika mangki sakras kan tasbaya ba sal brisa mihta.

Wark wala nani sin daukisa, mairin pikinera, pyarka nani, mairin luhpa aisa apu bri nani ba, busu maya nani ba Kuala nani, piyaia dukia, diyaia dukia nani diara wala nani sin Miskitu kî ra briwi wâsi, bunu mana sins munisa, ai pamali nani wal rayakaia dukiara.

Pat mâni 10 brisa, pamali kum, kum bip warkka nani sin daukisa kuna wira baman, bip vacuno brih banghwisa Atlantik Kus main saitka wina brih balan.

Nicaragua: Wark takanka nani diara paskiwaya bara yula kahbi kira aikuki Klauna Tasbaya Yahbra tanira

RIDI TAKANKA INDIAN BARA KRIOL KIAMKA TAWANKA NANI DUKIARA (PPIA)

Upla nani kum kum (waitna) unta diaura nani warkka nani daukisa wibia kaka; sula, wâri bara ibihna nani ikisa. Wîinka ba pîs kum ba ai tawankara atkisa, kau ailal pali ba Bilwi basta ya ra briwi atki bangwisa

Tawan ritska nani; diara ban nani (hábitats naturales) kâbura daiwan sâtka nani ba bara li damni daiura nani ba (Laguna Daukra) kî nanira ba prari Felix mihta aiska pali sauhki tikan klauna tasbaya yahbra tanira 2007 mankara, tawan aiska sari laka manis kan diara nani aisawan ba dukiara (utla, prias watla, hospital waltla), plun mangkan nani sin tiwan an baku sin awala daiura nani sin tiwi luan, wal rits ka nani sut pali sauhki tikan.

Tawan ba kûl watla primaria kum brisa nina lika Gastón Washington Padilla", kûl smalkan preescolar, primaria bara sin secundaria kulka yabisa simh skûl watlara, skûl sasmalkra 13 brisa, primaria ba 255 tuktan kûl dadimra nani brisa, smasmalkra 5 brisa preescolar ba, 52 tuktan kûl dadimra brisa, MINED wina ai pidika brisa. Secundaria ba lika sabat kûl ka daukisa, baha lika séptimo, octavo y noveno grado (1-3 años), smasmalkra 4 brisa baku sin 82 kûl dadimra brisa

Naha yua nanira tawan trabil bri ba lika wan wina tara yamni briyaia (salud) uplika kumi apu tawan bila ra, sika apu tawan uplika nani ra yabaia kau pali ba mairin kwihra siknis takbia kaka ilp munaia, upla siknis nani pyua ra kâbu kuk brih luwisa haspital Nuevo Amanecer Bilwi ra, haspital watla kum brisa, sakuna sîka uplika (enfermera) kum mahka wark yabaia sa, kuna tawan luhpi ka kaia, sîka uplika kum bara sa, witin ra ilp munaia, kan tawan ba upla ailal palisa. Sîka yabi ba uba wiria baman sa, baha yabi ba pyu wihka waras sîka danh takisa, baku sin tailit apu, tuktan siahka lama mangki kaka pasa yabaia dukia apu, estigio, manómetro, estetoscopio baha nani sut ba apu sa, upla siknis wabaia kaka anira sunaia krikri kum sin apu, iwaika nani sin àpu upla siknis wih iwaia.

Tawanra ba duri tara 16 brisa baku sin 4 pangas a i motorka wal brisa, baha masinka nani ba Miskitu kî Wipplin ra wark daukisa baha kîka ba Daukra kîkasa bahara tawan uplika nani ba inska warkka takisa.

Upla nani kasak ai wina ikisa wark daukisa lahla kum bri yaia dukiara, inska alkisa bara atkaia pliska nani briwi atkisa. Upla ailal pali ba wark apu bar asa, kâti bani pidi bri uplika nani ba lika, skul smasmalkra bara nurs nani baku, pamali kum kum atkaya pliska (pulpería) bri nani ba, baku sin sip nitka ba ul yabras kan uba lahla sirpi ba mihta

Tawan wamhka, tiarka nani sut ba wark sât, sât daukisa, inska miskisa, bunu alkisa, pulaia sâtka nani sin alki daukisa, bâl pulaia waitna, mairin nani tawan bila ba kat Lilia taki banghwisa, tawan sirpi wala nani wal sin bâl pulaia sâtka nani ba pulisa, wibia kaka bâl mina wal pruki pulisa, bâl wipi pulisa, volibol y softball, naha puliba wal wahma nani ba uba diara Saura daukaia nani ra dimras sa. Baku sin wahma daknika AJECIM prias watla nani ra sin dimi wark nani ailal daukisa, wahma wala nani wal adrubanka nani dauksa, bâl pulaia, wan iwanka nani pulanka baku Dawan ra mayunra nani sin dauki Lilia taki banghwisa.

Tawan bilara li unhta 8 barasa, wan mihta wal salhkan, rup wal li sunisa. Pyua luan nanira pain wark taki kan, baha ninkara swih banghwan kan, nanara aisauhwan. baku sin 6 li unhta barasa masin wal slahkan dukia kuna baha sin tawan uplika nani swin wark takras munan wala nani baku.

RIDI TAKANKA INDIAN BARA KRIOL KIAMKA TAWANKA NANI DUKIARA (PPIA)

Takrikaika

Naha aisanka na daukansa idian nani bara Afro Nicaragua lâka nani ba wal, auka yaban sa Banco Mundial y publicado en las páginas web del FISE, krismis kâti 2013 ra, proyecto bila ra mahrikisa nahki paskanka nani ba pain main kaia (sostenibilida) li klin bara tailit tawan sirpi nani ra main kaikaia, baha ba Banco Mundial ba lalah dingkansa. Naha warkka daukaia natka nani tawan sirpi nani ra paskaia Programa de Infraestructura y Acompañamiento Social en la Costa Caribe Norte FISE- BCIE ba aisi sa.

Tawan Sturka luan dahra nani

Daukra tawan ba 1820 mândara takansa, upla 200 bara kan 42 utla wal, pas upla dakni (barrio) Kum takan ba nina Walpa, pas tuara upla wan kan ba, taidilka nani ba Ktris, Washington, Levan, Lazareth bara pamali Modesta Padilla, nina ba lakun dukiara aisisa, Duakra sturka ba naku aisisa Miskitu bila kat "Laguna".

Tawan almuka nani 100 mâni nani brisa, prari Saura kum bui tawan ba sauhkan, prari Felix baku karna kan, tawan aiska pali sauhkan kan, baha ba taka upla nani ailal ba plis wala nani ra luiwan wibia kaka; Estado Unidos tasbayara, Guatemala, Honduras bara Bilwi ra sin wih iwi banghwan, upla wiria baman tawanka bara takas kan sa.

Tawa bara Muribian sutska uplika ba kau ailal sa, ninkara ba Advintis surtska ba sa. Tawan uplika nani ba prias watla ba, yukuwaia (albergue) watla baku yus munisa prari nani aula pyuara, tuktan, mairin kwihra, mairin, upla almuk nani ba pris watla nani ra auhbi main kaikisa, waitna, mairin nani kum kum aiwatlara diara nani bri ba main kaiki banghwisa, tawan uplika nani ba, ta upla nani wal asla taki ridi takisa Atlantik Kus ra prari, pauts nani krawi trabil taki pyuara witin kaina kahbi yula kahbisa.

Baku sin 2007 mândara, klauna tasbaia yabra sait kara diara sauhkan ba prari felix piuara, paskanka sat manisra; utla, prias watla, hospital watla, unta disan nani, kabu rits ka nani tasba daiura nani su tiwi luan.

Baha ba wina ai lahlaka nani bri kan, upla nani ba baha wina raya iwi kan, tawan ritska sât wina yus muni kan ai yua pata nani saki kan, naiwa yua baha sut ba tiwi lauan, baku sin naiwa yua upla ba ai pamali nani wal utla apu iwi sa, prias watla sin apu baha nani bri kaka tawan baha watla ra dimi ai kaina kahbaia sip sa.

Diara nani takan ba, proyecto isti ra diara nani taki ba bara Banco Mundial bui prias watla nani sauhkan kan nani ba makaia ba lahla dinghkan, tawan Daukra lukan bapan ba, baku sin litoral norte uplika nani yukuwaia watla kum brin, trabil nani istira taki pyuara baha watla ra upla nani auhbi main kaiki kaina kahbaia. Baku sin, warkka wala nani kata ba sin tnata alkras munan, nu apiasa dai taka mihta.

Duakra tawanka ba kâbu wina bila mapara sa, kâbu un wina wapi dimi wisa, tawan ka iwi ba trabil sa, trabil nani isti ra taki pyua ra kasak trabil munisa, wibia kaka prari, lî auhwi pyuara, lî samra, kâbu pupuhbia kaka. Baha mihta, nit munisa isti ra tawan ba yukuwaia watla kum bri yaia, upla raya ka nani ba kaina kahbia.

Nicaragua: Wark takanka nani diara paskiwaya bara yula kahbi kira aikuki Klauna Tasbaya Yahbra tanira

RIDI TAKANKA INDIAN BARA KRIOL KIAMKA TAWANKA NANI DUKIARA (PPIA)

Daukra tawan ba wahbi sakan kan, ai auhbaia watla kum tawan ra paski yabaia, baku sin Adventis priaska watla paskan, baha priska watla paskan ba, isti pali prari trabilka nani takbia kaka ai auhbaia watla baku tawan ba yus munan kabia, watla paskan nani ba tawan ra ilp tara pali takisa, naha warkka daukan na kau pali tawan uplaka nani rayaka nani main kaikaia pasa Saura nani kauibia sin upla rayaka nani ba kaina kahbia.

(b) Li klin bara tailit nani baku sin tawan trabilka nahki muni lahla saki ba alki kaikan ka klutka ra tawanra daukaia

Tawan asla takanka ba (gobierno comunal) ai iwanka natka kat, asla takanka sirpi kum daukisa, upla nani wahbi sakisa tawan asla taki aisi kaiki pyuara, tawan lalka nani ba wahbi sakisa, tawan asla taki aisi kaiki ba, karnika tara pali brisa, dia daukan ba baha kat auka yabisa. Tawan lalka Sindiku bara wihta ba lâ nani tawan ra mangkisa baku sin tawan ritska ba pura kaikisa, Almuk lalka ba, Sîka ta uplika ba, wan iwanka ta uplika ba, pulis nani, baku sin wahma, tiara nani lalka nani sin barasa.

Ta upla Wihta daukaia nani ba, lâ nani ba smalkaia, upla nani tawan lâka kat waras ba, bila walras diara dauki ba pablik nani yabaia sa, lâ wala nani pura luwan kaka, ta upla nani pura luwa dauki nani ba, tawan sirpi puliska nani asla takan barasa, adar nani ba manghkisa, tawan yamnika ba kaikisa, baku sin tawan aiska ba klin daukisa, baku sin tawan pawanka nani alki dauki wayaia, ta uplika wala nani ba wal asla wark dauki kaia.

Sindiku ba tawanra pura kaikaia ritska nani yus muniba, adar kat brih wayaia, kâbu diauhra nani sahwi pyuara alkaia apia pura kaikaia baku dus nani sin. Tawan ritska wina lahlaka dimi nani ba tawan pawanka nani ra yus munaia, almuk nani ra, pamali kum prubia kaka, tawan nani aisi kaikanra dauki pyuara, ta upla nani tawan ilpka pliki taki wih banghwiba baha nani ra ilp munaia. Baku sin tawan ritska nani sauhki kaka. lâ nani mahrikaia. Baku sin lâ wauhkataya ra lâ nani taki ba tawan bila ra yus muni kaia trabil nani bara kaka wapni dauki kaia, tawan bila baku sin trabil tnaya taki kaka wapni dauki kaia

Tawan aidruban ka tara (la Asamblea Comunal) karnka tara brisa, witin baman diara sut ra auka yabisa, baha asla takanka ra ba, upla sâtka sut wina barasa. Upla sut tawan dîa aisi ba ilp munisa, baku natka wal tawan ta uplika nani ba wahbi sakisa.

Tawan sirpi ta uplika nani ba mâni bâni wahbi sakisa. Tawan asla takanka tara ba, kâti bâni ra aima kum daukisa, baku sin tawan asla takanka tara istira sin daukisa (asamblea extraordinaria) nitka kum bara kaka trabil kum wapni mangkaia kaka apia tawan ra tabaikanka kum nit takisa kaka sin sip sa daukaia. Baku asla takan tara ba daukisa ta upla nani wala mangkaia kaka, baku sin tawan ta uplika aisi kaia nani tawan painka bara pawanka dukiara, laki kaikaia wapni manghkaia baku sin proyecto nahki wark dauki auya ba diara wala nani sin tawan ta uplika iwi aisi kaiki sa, ninkara tawan aiskara paiwisa tawan auka yabaia nit sa kaka apia kaka auka yabaia apia kaka upla aiska wal aisi kaiki mahrikisa.

RIDI TAKANKA INDIAN BARA KRIOL KIAMKA TAWANKA NANI DUKIARA (PPIA)

Tawan ra mairin nani ba tawan lahlaka âlkra (tesorera) kum sa, wark takisa naha yua nani ra sindiku ba mairin kum mihtara sa, wahma nani ba sindiku mairin ra ilp munisa baku sin tawan main kaiakaia pulis warkka sin takisa tawan ra bara uplara sin main kaiakisa. Waitna nani aihkika ba kâbu lalmara inska miskisa warkka takisa, mairin nani lika ai watla nani ra takaskisa witin nani ba asla takanka (asamblea comunal) nani ra kau pali ailal wih banghwisa tawan trabilka bara yamnika nani alki kaiki banghwisa

Wahma nani bara mairin nani ba, proyecto ra asla taki dimi wark daukisa, aisi kaikan nanira (reunión) tawan aiska asla takanka (asamblea) nani warkka nani daukaia ra auka yabaia kaka witin nani bara sa, wahma nani ba tawan warkka nani ra dimi pain wark dauki pyuara tawan ba pain takisa, sindiku kum taki wanba 26 mâni brikan, sindiku warkka ba brin pyuara 24 mâni brikan.

Tawan ta uplika nani ba diara nani sut ra pain tawan warkka nani ba daukisa, kan Klauna iwanka kabamitka bara alcalde ta uplika nani wal pain asla aisi kaiki warkka nani ba daukisa.

Tawan ta uplika nani ba, tawan trabilka nani bri kan ba, aisi kaiki, alki kaiki pliki wapnika daukisa, tawan wapi luwaika (puente) kumi bri ba, bahak upla nani luisa. Tawan ta uplika ba GTI bara INAP nanira makaban baha luwaika ba paskaia dukiara bara proyecto ra warkka dauki nani ilpka lâka nani plikan, ninkara luwaika ba mahka paskan KFW baku sin INAP lalhka wal, PGC mina munhtak daukan sa.

Tawan ta uplika ba, klauna kabamitka, Alcalde, GTI Tawira nani wal asla, asi kaiki sa, baku sin Raks twilki lalka nani wal, apis lalka nani wala wal sin, MINED, MINSA wal sin pain wark daukisa. Kau pali ba GTI bara Alcalde uplika nani wal kau ai lamara wark takaia sa, baku makabisa Klauna gabamitka ba sin wark nani sut ra yula kahbi pura kaiki kabia, tawan ta uplika wark nani dauki pyuara, karna taki wisa, wark nani nahki takaia dukiara smalkisa, lâ (leyes) nani ra nahki tawan kaina kahbia bara diara nani main kaikaia ba, baku sin smalkanka lalka wala nani nahki tawan pawanka nani daukaia nani ba sin smalkan.

Tawan ta uplika nani ba, asla takan tara (asamblea comunal) mawan ra mahrikbia wark daukan bara lahla dinghkan ba sin

(c) Taura tawan wal aisan ka nani daukan ba klutka ra mahrikaia, tawan ra pain latan maisapakaia, proyecto ra pain ilp munaia ba?

Tawanra makabanka nani daukan yua nani: Wis kâti 2015

Tawanra bakabanka daukan yua nani upla an bara kan ba numbika: 115 waitna: 65 Mairin: 50

Tawan wal aisanka nani brin ba, naha nani warkka daukaia sa:

Tawan ba tingki lâka yabisa klauna kabamitkara baku sin FISE ra sin naha Lukanka pain nani takrikanka nani daukan ba, tawan yukuwaia watla baku brisa adventista priska watla, tawan makabi sa isti pali ra daukbia kan naha yua nani ba, prari pyua nani sa.

RIDI TAKANKA INDIAN BARA KRIOL KIAMKA TAWANKA NANI DUKIARA (PPIA)

1. Proyecto wark nani dauki ba pulitik wal warbanka nani daukaia apia baku sin upla lâka Saura unsasabra nani ba naha warkka nani tilara dinghkaia apia, baku lika warkka nani sut ba pain daukaia sa.
2. Pas taura daukaia nani ba, wark pura kaikaia uplika ba asla daukaia, proyecto wark daukbia nani ba yula kahbaia baku sin warkka ba alki kiakanka nani dauki kaia, tawan aslah takan nanira. Upla nani wahbi sakan ba, uplika nani ba wark pain dadaukra kaia, papaskra uplika nanira pura kat kaia, pyua bâni ra wark taki pliskara wih pura kaiki kaia
3. Tawan ba pramis takisa, tawan diara daukaia nani ba alki daukan kabia, baku sin asla takanka (junta directiva) ba sin daukbia, wark dauki nani ba pura kaikaia, baku sin yukuwaia watla ba pain pian warkka nani taki brih waia.
4. Tawan ba makabisa pura kaikaia nani, yula kahbaia wark nani dauki ba ilp munaya, apis uplika nani sut aikuki daukaia, wibia kaka; Kluana kabamitka, FISE, GTI, Gobierno municipal sut aikuki aisan kumi wal wark nani daukaia.

(d) Ulbanka tanka (esquema) kasak daukaia, tawanra makabanka nani daukbia wark nani nahki dauki wihka waia ba

Tawan wal aisanka nani daukan ba, proyecto naha wark nani dauki waia sa:

Taura lalah dingkan ba: 1) proyecto ba tawan watla mâki ba yukuwaia watla baku mâkisa baha ba aisikaia, wan yapti bila kat aisi kaia, 2) yula kahbi daknika (comite de seguimiento) ba asla takaia, 3) Smalkaia nahki tawan asla takaia, pura kaia tawan warkka nanira baku sin wark dauki nani ba mahrikaia, 4) Tawan asla takan tara daukisa lâs tnatara, proyecto wark nani daukaia ba, auka yabisa, lahla ka bara nahki dauki wayaia ba mahrikisa.

warkka nani dauki sa: 1) nahki tawan warkka daukaia ba smalkaia, 2) Ai drubanka daukaia maisapakisa bara alkikaikan ka daukisa nahki Proyecto warkka nani brih impaki ba mahrikisa, 3) Wark dauki daknika ba wal aisan ka briaia, tawan bilara wark daukaia uplika nani aikuki wark daukaia sa, baku sin tawan diarka nani wark ra yus munaia ba atkaia (dus, auhya, walpa).

Wark daukan ninkara: 1) asla taki tabaikaia, 2) Nahki wark dauki, main kaiki briyaia ba smalkaia, 3) Yukuwaia watla ba, pura kaiki main kaiki yus munaia, 4) SINAPRED wal aisanka brikaia diara nani bri ba dukiara, wal aisaia dukia nani ba, sîka watlika yus munaia ba istira kabia kaka, 5) Kabamit uplika nani sut aikuki asla wark takaia (regional, municipal, territorial y comunal) utla paskan ba pain main kaiki brikaia.

(e) Dia yamnika nani bara lalah ilpka laka nani sin tawan ba Proyecto wina bribia, smalkaia sinska lâka nani pain smalkaia sa diara paskanka nani ba pain kaina kahbi main kaikaia?

Yamnika bribia ba: Mairin nani, waitna nani, tuktan nani, wahma nani, mairin kuihra nani baku sin almuk lupia nani ba pain kaina kahbi main kaikaia. proyecto ba natka nani plikisa wahma nani ba, tawan warkka nani ra dimi wark takbia, baku sin ai iwanka natka nani ba kau karna dauki waia.

Nicaragua: Wark takanka nani diara paskiwaya bara yula kahbi kira aikuki Klauna Tasbaya Yahbra tanira

RIDİ TAKANKA INDIAN BARA KRIOL KIAMKA TAWANKA NANI DUKIARA (PPIA)

Lalah bribia ba: famali nani ra lalah kum dimi kabia pyu prahnira

Tawan uplika aiskara, warkka takaia diarka nani ba tawan uplika nani bui atbia, tawan uplika nani warkka ba dauki lahlaka ba bribia, baku sin, pamali nani ba pain kaina kahbaia prari nani mapara. Wark daukaia diarka nani ba; auhya, dus nani wark takaia dukia nani ba atkaia, ta uplika nani ba ilpka laka ba brisa, baha lahla ka ba wal sin trabil nani isti ra takbia kaka uplara ilp munaia.

(f) Proyecto ra diara kasak apia kum takbia kaka tawan ra mahrikaia, baku sin sins lâka natka wala nani daukaia, saurka taki ba alki wapni ra mangki brih waia

¿proyecto warkka nani kum saura takbia kaka? Au: _ Apia:X

Au wisa kaka, dia ba daukaia sa, ani dukia nani ba alki daukaia sa ki proyecto ra apia kaka PPIA ra?

(g) Indian, afro- nicaraguense bara kiamka wala nani ra, wark nani kum kum PPIA kuk daukaia ba, kupia kraukisa ba, naha nani sa

1. Smalkanka lalka nani nahki yukuwai, kaina, trabil nani isti taki pyuara nahki tawan uplika nani ra tabaiki kaina kahbaia ba smalkaia.
2. Tawan asla taki tabaiki bri wayaia, mairin, waitna wal baku wark nani daukaia
3. wahma nani trabil bria kaka, kaina kahbaia
4. Wan mihta warkka nani bara tawan ritska nani briba proyecto ra dingkaia.
5. Kabamit uplika nani bara dakni wala nani sin wal asla wark daukaia
6. Proyecto warkka nani sut ra, taura aisan ka nani brin ba, pura kaiki main kaikaia.
7. PPIA warkka daukaia ba pyua banira aisi maisapaki kaia
8. 9.Indian tawanka warkka daukan ba pura kaiki bara yula kahbi kaia.
9. PPIA bara proyecto ba wal alki kaikanka (evaluación) nani daukaia

Actividad	Descripción	Responsable	Costo en córdobas	Ansika bila kaiki ba
Yukuwaia watla pain main kaikaia ba smalkanka lalka nani ba tawan ra smalkaia.	Tawan asla takan ba Proyecto wark daukan nani ba pain kaihna kahbi main kaikaia. Tawan ba pain main kaiki kaia (auditoria social) Wark nani pura kaiki, yula kahbi smalkanka lalka nani smalkaia.	GRACCN	C\$264,000	Aima an smalkan ba numbika ba. Upla an bara kan ba numbika. Rait pali yus munia ba Tawan aslika ra wark dauki lalah dingkan ba mahrikan numbika

Nicaragua: Wark takanka nani diara paskiwaya bara yula kahbi kira aikuki Klauna Tasbaya Yahbra tanira

**RIDI TAKANKA INDIAN BARA KRIOL KIAMKA TAWANKA NANI DUKIARA
(PPIA)**

Wan wina tara main kaiki uplika nani ra smalkakaia trabil takbia kaka upla nani ra ilp munaia ba.	Diara sauhki pyuara kaina kahbi uplika nani ba asla takaia. Upla rayaka ilp muni nani ra smalkaia.			Diara nani sauhki pyuara aisanka dauki (plan) bri kaia Asla tatakra nani ra smalkan numbika
Tawan asla takan ka ra waitna, mairin lâka	Mairin nani tawan ta uplika nani tila ra			Mairin nani wark takan kara dimi

nani sut ba ta baiki kaia sa.	dimi wark taki waia ba aisi kaia. Waitna, wairin lâka nani smalkanka nani ra smalki kaia.			wark daukan numbika ba. Mairin nani tawan ta uplika tilara dimi wark dauki numbika ba. Mairin bara waitna nani smalkanka nani brin ba numbika
Tawan bilara ai mihta warkka daukan nani ba.	Tawan pawanka ra wahma trabilka nani ba pliki kaiki kaia sa. Tawan pawanka nani ra wahma nani ba dimi wark daukaia ba, sanska nani yabaia	.		Wahma, tiara nani wark takan ka tila dimi wark daukan numbika. Wahma, tiara nani tawan ta uplika nani tila ra dimi wark dauki numbika. Wahma, tiara nani smalkanka nani brin ba numbika.

**RIDI TAKANKA INDIAN BARA KRIOL KIAMKA TAWANKA NANI DUKIARA
(PPIA)**

Upla mihta warkka nani ba baku sin tawan ritska nani ba proyecto ra dingkaia.	Mihta warkk daukaia ba upla nani wikaia. Wark dauki dakni ba asla taki proyecto ra dimi wark daukaia. Tawan uplika nani proyecto ra mihta warkka nani yabaia. Tawan uplika mihta warkka daukan nina nani (Planilla) ba	CRACCN Y FISE		Upla nani an pali ba (waitna bara mairin), tawan bila ra mihta wark nani daukan kan ba
Apis ta uplika nani baku sin gabamint lalka sâtkâ bânî wina wal asla taki wark nani dauki kaia.	GRACC, GM, GTI, GC sut aikuki aisi kaiki, asla wark nani daukaia. GC, MINSA bara SINAFRED sut aikuki aisi kaiki, asla taki wark nani dauki kaia. GC, GRACCN y FISE wal asla taki aisi kaiki wark nani dauki kaia.	GRACCN y FISE		Sins lâka aisi kaiki bapanka ulbi ba numbika. kâti yumhpa wark dauki nani ba ulbi sakan

**RIDI TAKANKA INDIAN BARA KRIOL KIAMKA TAWANKA NANI DUKIARA
(PPIA)**

Taura aisanka nani brin ba tawan bara Proyecto wal, baku sin wark nani sut dauki balan ba, pura kaiki, pain kaikaia.	Tawan asla takan (asamblea) wark daukan ba tnata alkan sa. Kâti bâni nahki wark nani dauki auya ba mahrikaia. Proyecto tnata alkan sa tawan asla takisa. Tawan asla takan wark nani sut daukan ba ninkara mahrisa	Tawan Smalki uplika Tawan Warkka uplika	28,000	Tawan uplika aima an asla takanka ra wan ba numbika. Upla nani wark daukan numbika. Yukuwaia watla pain mainki kaina kahbaia aisi kaiki ulbi sakan ba numbika
PPIA warkka daukan nani ba aisi sakaia	Daukra PPIA ba yapti bila Miskitu kat lakaia. PPIA wauhkataya yapti bila kat lakbia ba 50 wauhkataya nani ba sakaia.		4.400 5,000	
Indian tawan aisanka bara proyecto warkka nani dauki ba pura	GRACCN bara FISE wal proyecto ra wapi kaikan kabia.		15,000	Wapi kaikan ba numbika
kaikaia bara yula kahbaia.	Ya nani ra pat yaban nina nani ba. Tawan aidrubanka (asamblea comunitaria)			An pali ulbanka ba brisa pat aima an uplara ta baikan ba Tawan ai drubanka (asambleas) numbika

RIDI TAKANKA INDIAN BARA KRIOL KIAMKA TAWANKA NANI DUKIARA (PPIA)

PPIA bara proyecto wal ra alki kaiki kaia	Tawan asla takaia Alki kaia ba smalkaia tawan asla takbia ba wal Gabaminit bara tawan wal alki kaikanka nani daukisa		15000	
			C\$331,400	

Nota: Kâbu ra, wark dauki taukaia lika PPIA ra lalah apu sa.

(h) Tawan brin daukras nani ba bara aisanka nahki dauki wayaia ba mahrikaia. Naha Proyecto ka bara tawan wal Nahki dauki wayaia ba sin mahrikaia

Tawan ta uplika ba, tawan uplika nani ra paiwi wauhtaya ulbi sakan ba mahrisa ani nani ba brin daukrasnani bara mapara aisan ka nani daukbia ba. Baha ba GTI ra lakan kabia simh minitkara, GRACCN ra sin blikan kabia baku sin apis ta uplika wala nani ra sin FISE ta uplika nani ra, baha nani ba aûka yabaia sa 10 des yua nanira. Taim mankan ba ninkara aû ka yabras sa kaka FISE uplika ka nani kau pura blikan kabia bara 48 des bilara pat ulbi maisa pakan kaia sa.

Natka nani pura kaikaia

FISE bara GRACCN wal, tawan ta upla nani sut aikuki, Indian bara Afro Nicaragua baku sin kiamka wala nani sin aisanka nani dauki ba yula kahbi kaia sa.

(i) pura kaia, natkka nani ba tawan ra makabi walan ba naha nani sa: tawan asla daukaia takrikanra baku sin tnata alkira sin. Tawan asla dauki dia lalah mangkan ba mahrikasa, baku sin Proyecto ba sin tnata alkisa

(j) pura kaikaia bara yula kahbaia natka nani pain daukaia sa baha ba naha nani sa: wark daukan nanira wapi kaikaia, tawan asla taki aisi kaiki kaia

Aisi kaikan (plan) nani ba Ridi kabia pyuara FISE kau pura ra bara ulbi blikiaia (Oficina de Gestión Social) auka yabai a baku sin lalah yabaia ba sin auka yabaia sa.

PPIA ba pat auka yaban pyuara, proyecto ba mahka wark nani daukan kaia sa. FISE (Central) kau purara ba kainara aimakbia pura kaikaia bara PPIA ba sin alki kaikanka nani dauki kaia.

(k) Indian tawanka bara Afro Nicaaragua aisanka nani ba aisi saki kaia: Aisi saki kaia yua nani ba PPIA, FISE wauhkataya web ra: waupasa kâti 2015

Aisi saki kaia PPIA klauna kabamitka wauhkataya web ra, kabami Municipal, GTI (Gobierno Territorial): waupasa kâti 2015

Nicaragua: Wark takanka nani diara paskiwaya bara yula kahbi kira aikuki Klauna Tasbaya Yahbra tanira